



საქართველოს მთავრობის განკარგულება

№2157 2013 წლის 26 დეკემბერი ქ. თბილისი

ზოგიერთი ღონისძიებების განხორციელების მიზნით სახელმწიფო ბიუჯეტიდან თანხის გამოყოფის შესახებ

1. საქართველოს ფინანსთა სამინისტრომ „საქართველოს 2013 წლის სახელმწიფო ბიუჯეტის შესახებ“ საქართველოს კანონით გათვალისწინებული საქართველოს მთავრობის სარეზერვო ფონდიდან გამოყოს 40 620 000 (ორმოცი მილიონ ექვსას ოცი ათასი) ლარი, მათ შორის:

ა) 15 000 000 (თხუთმეტი მილიონი) ლარი - საქართველოს განათლებისა და მეცნიერების სამინისტროსათვის საჯარო სკოლების 2014 წელს იანვრის ვაუჩერების ნაწილობრივი დაფინანსებისათვის;

ბ) 14 000 000 (თოთხმეტი მილიონი) ლარი - საქართველოს შინაგან საქმეთა სამინისტროსათვის მიმდინარე ინფრასტრუქტურული პროექტების განსახორციელებლად, მატერიალურ-ტექნიკური ბაზის განახლებისა და სამინისტროს სისტემის შეუფერხებელი ფუნქციონირების მიზნით შესაბამისი ღონისძიებების დასაფინანსებლად;

გ) 11 270 000 (თერთმეტი მილიონ ორას სამოცდაათი ათასი) ლარი - საქართველოს ეკონომიკისა და მდგრადი განვითარების სამინისტროსათვის შემდეგი ღონისძიებების დასაფინანსებლად:

გ.ა) 8 000 000 (რვა მილიონი) ლარი - შპს „საქაერონავიგაციის“ კაპიტალის გასაზრდელად, საიდანაც:

გ.ა.ა) 5 500 000 (ხუთი მილიონ ხუთასი ათასი) ლარი მიიმართოს კოპიტ-ნარის აეროპორტის სამეთვალყურეო კომპლექსის მშენებლობასთან დაკავშირებული, კრედიტორის მიმართ არსებული წლიური ვალდებულების დაფარვისათვის;

გ.ა.ბ) 2 500 000 (ორი მილიონ ხუთასი ათასი) ლარი მიიმართოს საერთაშორისო ანტიტერორისტულ საქმიანობაში საჭაერო ხომალდების სხვადასხვა მარშრუტითა და აფრენა-დაფრენის დროს გაწეული სააერნაოსნო მომსახურებით წარმოშობილი დავალიანებისა და 2013 წლის მიმდინარე პერიოდის გადასახდელების დაფინანსებლად;

გ.ბ) 3 070 000 (სამი მილიონ სამოცდაათი ათასი) ლარი - შპს „საქართველოს აეროპორტების გაერთიანების“ კაპიტალის გასაზრდელად, საიდანაც:

გ.ბ.ა) 1 500 000 (ერთი მილიონ ხუთასი ათასი) ლარი მიიმართოს ქუთაისის საერთაშორისო აეროპორტის რეკონსტრუქცია-რეაბილიტაციის პროექტის ფარგლებში წარმოქმნილი ვალდებულებების დაფარვისათვის;

გ.ბ.ბ) 1 225 000 (ერთი მილიონ ორას ოცდახუთი ათასი) ლარი მიიმართოს ავიაკომპანია „Wizzair“-ის სარეკლამო მომსახურების შესყიდვისათვის;

გ.ბ.გ) 345 000 (სამას ორმოცდახუთი ათასი) ლარი მიიმართოს „Routes Silk Road Tbilisi 2014“ საერთაშორისო საავიაციო კონფერენციის მასპინძლობასთან დაკავშირებული ხარჯების დასაფინანსებლად;

გ.გ) 200 000 (ორასი ათასი) ლარი - შპს „ანაკლიას“ კაპიტალის გასაზრდელად, შპს „ანაკლიას“ შეუფერხებელი ფუნქციონირების უზრუნველყოფის მიზნით;

დ) 350 000 (სამას ორმოცდაათი ათასი) ლარი - საქართველოს იუსტიციის სამინისტროსათვის საქართველოს მთავარი პროკურატურის შეუფერხებელი ფუნქციონირებისათვის.

2. საქართველოს ფინანსთა სამინისტრომ „საქართველოს 2013 წლის სახელმწიფო ბიუჯეტის შესახებ“ საქართველოს კანონით გათვალისწინებული საქართველოს რეგიონებში განსახორციელებელი პროექტების ფონდიდან

გამოყოს 31 500 000 (ოცდათერთმეტი მილიონ ხუთასი ათასი) ლარი, მათ შორის:

ა) 16 500 000 (თექვსმეტი მილიონ ხუთასი ათასი) ლარი - საქართველოს ეკონომიკისა და მდგრადი განვითარების სამინისტროსათვის შემდეგი ღონისძიებების დასაფინანსებლად:

ა.ა) 10 000 000 (ათი მილიონი) ლარი - შპს „საქართველოს ტელერადიო-ცენტრის“ კაპიტალის გასაზრდელად, ციფრულ სატელევიზიო მაუწყებლობაზე გადასვლის მიზნით საქართველოს მთელ ტერიტორიაზე მიკროტალღური რადიოსარელეო ხაზის ქსელის მშენებლობასთან დაკავშირებული ხარჯების დასაფინანსებლად;

ა.ბ) 3 500 000 (სამი მილიონ ხუთასი ათასი) ლარი - შპს „საქართველოს აეროპორტების გაერთიანების“ კაპიტალის გასაზრდელად, ქუთაისის საერთაშორისო აეროპორტისათვის რენტგენული აპარატებისა და სახანძრო მანქანის შეძენასთან, შემოვლითი გზისა და შენობა - ნაგებობების მოწყობასთან (ადმინისტრაციული შენობა/ანგარი, სახანძრო დეპო, მოსასვენებელი შენობა აეროპორტის საბაჟო, საპატრულო და დაცვის პოლიციის თანამშრომლებისთვის) დაკავშირებული ხარჯების დასაფინანსებლად;

ა.გ) 2 000 000 (ორი მილიონი) ლარი - სსიპ - სასწავლო უნივერსიტეტი - ბათუმის სახელმწიფო საზღვაო აკადემიისათვის გადასაცემად აკადემიის ინფრასტრუქტურის გაუმჯობესებასთან და მის სარგებლობაში არსებული საერთო საცხოვრებელის სარემონტო სამუშაოების ჩატარებასთან დაკავშირებული ხარჯების დასაფინანსებლად;

ა.დ) 1 000 000 (ერთი მილიონი) ლარი - შპს „გუდაურის განვითარების სააგენტოს“ კაპიტალის გასაზრდელად, როტორიანი თოვლსატკეპნი მანქანის შეძენასთან დაკავშირებული ხარჯების დასაფინანსებლად;

ბ) 15 000 000 (თხუთმეტი მილიონი) ლარი - საქართველოს რეგიონული განვითარებისა და ინფრასტრუქტურის სამინისტროსათვის შემდეგი ღონისძიებების დასაფინანსებლად:

ბ.ა) 10 000 000 (ათი მილიონი) ლარი - შპს „საქართველოს მყარი ნარჩენების მართვის კომპანიის“ კაპიტალის გასაზრდელად, 2014 წლის განმავლობაში დაგეგმილი ღონისძიებების, აგრეთვე 2013 წელს დადებული

ხელშეკრულებების ფარგლებში ნაგავსაყრელების მოწესრიგებასთან და შპს „საქართველოს მყარი ნარჩენების მართვის კომპანიის“ საოპერაციო ხარჯების დასაფინანსებლად;

ბ.ბ) 5 000 000 (ხუთი მილიონი) ლარი - შპს „თეთნულდი დეველოპმენტის“ კაპიტალის გასაზრდელად, შპს „თეთნულდი დეველოპმენტის“ საოპერაციო ხარჯებისა და ადმინისტრაციული შენობის მშენებლობასთან დაკავშირებული, აგრეთვე კომპანია „Pomagalski“-ს მიერ მოწოდებული საბაგიროების სამშენებლო-სამონტაჟო სამუშაოების წარმოებასთან დაკავშირებული ხარჯების დასაფინანსებლად.

3. დაევალოს საქართველოს ფინანსთა სამინისტროს „საქართველოს 2013 წლის სახელმწიფო ბიუჯეტის შესახებ“ საქართველოს კანონით გათვალისწინებული საქართველოს მთავრობის სარეზერვო ფონდი გაზარდოს 50 000 000 (ორმოცდაათი მილიონი) ლარით და აღნიშნული თანხით შეამციროს „საქართველოს 2013 წლის სახელმწიფო ბიუჯეტის შესახებ“ საქართველოს კანონით გათვალისწინებული საგარეო სახელმწიფო ვალდებულებების მომსახურებისა და დაფარვისათვის გათვალისწინებული ასიგნებები.

პრემიერ-მინისტრი




ირაკლი ლარიბაშვილი